

當初給牌以其酬勞犬項蟻項兩處旋即額圯堙塞此實不
勤力役所致何以謂勞隨毀隨築已有法令前兩處役僧待春和
悉令督赴犬項併令修築務要堅緻以圖永久之利其不肯役
者收牌定役其無牌者召募時避役在逃者令各道觀察使申
勅所在列邑嚴加刷括以充軍額寺刹非地誌所載者併令毀
撤始自兩道次及他道則庶無一時騷擾之弊其應行節目令
該曹備細磨鍊施行何如傳曰知道大臣等又啓曰宋欽年今
八十而欲永歸田里陳疏辭職得蒙允可已定歸計其母年百
歲而身死為老母而補外故侍朝之日甚少今始終制而還朝
則年已八十以此有歸計矣此人清白且有所守不如他人之
比也如此老成之人臣等意以為在於朝廷甚當答曰宋欽以
年老辭職而漢城府事甚煩劇老人所不堪任故已令遞之今
以同知中樞辭職歸鄉則殊無尊敬幽德之意工曹絲判乃閑
地隨闕差下可也○臺諫啓鄭士龍事不見○夜南方天中電
光乾方東方有氣如火○已亥傳曰前日武科出身三品人負